



Broj 12/01-05-21378/12  
Sarajevo, 26.09.2012. godine

**SKUPŠTINA KANTONA SARAJEVO**  
Predsjedavajuća Skupštine

(Ovdje)

**KANTON SARAJEVO**  
Kabinet Premijera

(Ovdje)

Ministarstvu kulture i sporta Kantona Sarajevo, dostavljeno je poslaničko pitanje poslanika, Enesa Zekovića, postavljeno na 18. radnoj sjednici Skupštine Kantona Sarajevo održanoj 18.07.2012. godine u okviru tačke Dnevnog reda „Poslanička pitanja inicijative i odgovori“, a koje glasi:

**„Kako i na koji način se vršila podjela VIP ulaznica za prisustvo SSF-u? Da li je to bilo izvlačenje putem šešira ili na neki drugi način? O čemu se radi? Ja želim da kažem, izrazim zahvalnost privatnoj firmi koja je organizovala SFF. Međutim znajući da je Kanton Sarajevo znatna sredstva prebacio za održavanje takvog filmskog festivala u iznosu od 190.000 KM, mislim da se moralo povesti malo više računa kako i na koji način ta privatna firma uzvraća ovoj instituciji.“**

U vezi navedenog pitanja, dajemo slijedeći odgovor:

Ministarstvo kulture i sporta Kantona Sarajevo od svog nastanka sufinansira organizaciju Sarajevo film festivala – SFF raspoloživim budžetskim sredstvima. Skupština Kantona Sarajevo usvaja svake godine Budžet u kojem su posebna stavka finansijska sredstva za sufinansiranje ovog filmskog festivala obzirom da je organizovanje i održavanje ove značajne međunarodne filmske manifestacije u Sarajevu u javnom interesu.

Također, postoji ustaljena praksa raspodjele VIP ulaznica koje dugi niz godina direktno upućuje organizator Festivala - Sarajevo film festival - SFF prema svom VIP adresaru.

Napominjemo da Ministarstvo kulture i sporta Kantona Sarajevo do sada nije imalo pritužbi građana vezano za organizaciju ove istinski značajne manifestacije.

Obzirom da je riječ o jednom od najznačajnijih, ako ne i najznačajnijem i najuglednijem filmskom festivalu u okruženju, u čijoj organizaciji je zastupljena zavidna profesionalnost svih učesnika, nimalo ne sumnjamo u dobre namjere organizatora i njihovu veliku želju da svoj trud i rad predstave na najvišem mogućem svjetskom nivou.

Kanton Sarajevo svake godine, kao i u 2012. godini je pomogao da ova grandiozna kulturna manifestacija u javnom interesu predstavi Sarajevo i Bosnu i Hercegovinu u najboljem svjetlu i privuče što više ljubitelja filmske umjetnosti, kulture i turizma, čije blagodeti svi zajedno uživamo.

**S poštovanjem,**

**MINISTAR**

**Dubravko Lovrenović**



web: <http://mks.ks.gov.ba>

e-mail: [mkis@ks.gov.ba](mailto:mkis@ks.gov.ba);

[mkis\\_kabinet@ks.gov.ba](mailto:mkis_kabinet@ks.gov.ba)

Tel/fax: + 387 (0) 33 562-062

Sarajevo, Reisa Džemaludina Čauševića 1

